

ҚМГ дамуының басымдықтары

ҚМГ Қазақстан Республикасында жаңа қорларды барлау мен игеру жұмыстарын, соның ішінде геологиялық барлаудың қазіргі заманғы әдістерімен зерделенбеген әлеуетті перспективті учаскелерді қосымша зерттеу мақсатында жер қойнауын геологиялық зерттеу тетігі арқылы іске асыратын болады. Қор өсімінің тиімділігін арттыру үшін геологиялық барлау өңдеудің жаңа әдістерін, геологиялық-геофизикалық материалдарды сапалы қайта түсіндіруді және жаңа буын технологияларымен сейсмикалық барлауды жүргізуді қоса алғанда, заманауи технологиялар мен әдістерді пайдалана отырып жүргізілетін болады.

6. Қазақстан экономикасы

Қазақстан экономикасы 2023 жылы 5,1%-ға өсті. Бұл әлемде экономиканың өсуі баяулағанын ескерген кезде елеулі жетістік болып саналады. Үкіметтің тиімді жүргізген салық-бюджет шаралары мен Қазақстан Республикасы Ұлттық банкінің монетарлық саясатының арқасында Қазақстан экономикасы түрлі стрестік факторларға төзімділік көрсетті. Алайда қалыптасқан логистикалық тізбектердің бұзылуы, ішкі сұраныстың жоғарылауы және сыртқы көші-қон 2023 жылы елдегі инфляцияны 9,8% дейін жоғарылатты. Азық-түлік бағасы 8,5%, азық-түлік емес тауарлар - 9,1%, ақылы қызметтер - 12,4%-ға өсті.

ҚМГ даму стратегиясы

Контекст

ҚМГ даму стратегиясының басты басымдықтарының бірі – басты бизнес-процестерімен тұрақты даму қағидаттарын біріктіруді жалғастырады, себебі Компания өзінің экономикаға, экологияға және қоғамға әсер ету маңызын жете түсінеді. Алдағы он жылда Компанияның өсуі ресурстық базаны толықтыру, өндіріс тиімділігі, құн тізбегін ұзарту, озық технологияларды енгізу және көміртегі ізін қысқарту есебінен қамтамасыз етілетін болады.

Компания инвестициялық жобаларды жан-жақты зерттеп барып іріктеп, олардың басымдығын анықтайды. Инвестицияларды ҚМГ-ның тиімділігі жоғары әрі стратегиялық маңызды жобаларға ғана құяды. ҚМГ акционерлер үшін барынша көп пайданы қамтамасыз етуге және мемлекеттің мұнай-газ секторында мүддесін сақтауға назар аудара отырып, капиталды бөлудің орынды саясатын ұстануды жалғастырады. Компания қарыздың теңгерімді деңгейін ұстап тұру және өтімділіктің күшті позициясын қамтамасыз ету мақсатында консервативті қаржы саясатын ұстануға тырысады.

Орта мерзімді кезеңде сыртқы факторлар, атап айтқанда тауарлар мен қызметтерге әлемдік сұраныстың төмендеуі және әлемнің орталық банктері монетарлық талаптарын қатаңдатуы инфляцияның төмендеуіне ықпал етеді деп күтілуде. Бірақ азық-түлік бағасы жалпы алғанда жоғары болып қалады деп болжануда. Тәуекелдердің бірі – Украинада жалғасып жатқан қақтығыс.

Ұлттық экономика министрлігінің болжамы бойынша, 2024 жылы инфляция 6-8% деңгейінде болмақ. Қазіргі уақытта дезинфляциялық үрдіс қалыптасуда. Бұл үрдістің алғышарттары ретінде шикізат тауарларына жоғары баға, елдің негізгі сауда әріптестері валюталарында теңге бағамының нығаюы және Қазақстан Республикасының ішкі сауда балансының едәуір жақсаруы алынып отыр.

ҚМГ дамуының басымдықтары

Компания мемлекеттің мұнай-газ саласын дамытуға қатысты негізгі стратегиялық мүдделерін іске асыруға бағдарланған. Ол елдің стратегиялық құжаттарын басшылыққа алады және Қазақстан Республикасының экономикасы мен әлеуметтік бастамаларын қолдауға бағытталған даму шараларын қабылдайды.

ҚМГ стратегиялық міндеттерді орындауға жеткілікті ақша ағымын қалыптастыратын көмірсутекті өндіру, тасымалдау және өңдеу бойынша тұрақты өндірістік циклды жүзеге асыру бөлігінде бәсекелестік артықшылыққа ие. Компания ресурстық базаны толықтыру үшін Каспий құрлығы мен қайраңында жер қойнауын пайдалану активтерін алудың өзінің басым құқығын пайдаланады.

Арзан шикізатқа қолжетімділік ҚМГ-ның мұнай-газ химия саласын барынша еркін дамытуға жол ашады, ол өз кезегінде Компанияның қосылған құн тізбегі түрлері және сапасын кеңейтеді.

Табысты өсу тарихының басты факторлары – өндіріс көлемін арттыру есебінен тұрақты ақша қаражатын қалыптастыру және тұрақты даму стратегиясын іске асыру. ҚМГ таза энергия көздеріне көшудің ұзақ мерзімді тенденцияларын ескере отырып, қаржылық табысты сақтау мақсатында шығарындылары «нөлдік» деңгейдегі төмен көміртекті жобалар портфелін жасақтап жатыр.

ПАЙЫМЫ

Қауіпсіздіктің жоғары стандарттарына және тұрақты даму қағидаттарына жауап беретін, қаржылық нәтижені барынша арттыруға бағытталған тігінен интеграцияланған ұлттық мұнай-газ компаниясы.


МИССИЯСЫ

Біз болашақ ұрпақтың игілігі үшін Қазақстанның энергетикалық қауіпсіздігін қамтамасыз ету, елдің дамуы мен өркендеуі мақсатында табиғи ресурстарды тиімді әрі ұтымды игереміз.

ҚМГ миссиясына сай екі стратегиялық қызмет бағыты мен төрт стратегиялық мақсаты айқындалды.

- 1. Құнды қалыптастыру. Мақсаттары:**
 - компанияның өсуін қамтамасыз ету үшін жеткілікті ресурстық база.
 - компанияның құн тізбегі тиімділігін арттыру.
 - бизнесті әртараптандыру және өнімдер портфелін кеңейту.
- 2. Энергетиканың жаңа түрлеріне көшу. Мақсаты:**
 - тұрақты даму және өндірісте көміртек сыйымдылығын жүйелі төмендету.

Қызметтің стратегиялық бағыттары



№ 1
стратегиялық
мақсат

Компанияның өсуін қамтамасыз ету үшін жеткілікті ресурстық база

ҚМГ алдағы он жылда тұрақты өндіріс деңгейін қамтамасыз ету үшін құрлықта да, Каспий қайраңында да геологиялық барлау жобаларын жүзеге асырады.

Осы стратегиялық мақсат аясында ҚМГ органикалық және бейорганикалық есу арқылы дәстүрлі қызмет, сондай-ақ перспективалы бағыттар үшін де жеткілікті қорлардың өсімін қамтамасыз етуді жоспарлап отыр.

Қазақстан Республикасында жаңа қорларды барлау мен игеру жұмыстарын ҚМГ, соның ішінде халықаралық мұнай-газ компанияларымен стратегиялық серіктестік арқылы іске асырады.

2023 жылы Компания «Абай» теңіз жобасы, құрлықтағы «Торғай Палеозой», «Қаратон Подсолевой», «Тайсойған» жобалары бойынша белсенді жұмыс жүргізе бастады.

«Қаратон Подсолевой» – перспективті барлау жобасы, мұнда бірінші кезектегі барлау объектісі – Теңіз және Королев кен орындарына жақын орналасқанға ұқсас, терең тұзасты шоғыры. 2023 жылғы маусымда ҚМГ Қаратон Подсолевой учаскесінде көмірсутектерді барлауға және өндіруге келісімшарт алды. 2023 жылы қыркүйекте Karaton Operating Ltd. еншілес компания ашылып, оған жер қойнауын пайдалану құқығы берілді.

Тайсойған барлау учаскесі ҚМГ-ге 100% тиесілі еншілес кәсіпорын – «Ембімұнайгаз» АҚ қызметі аймағында орналасқан. 2022 жылы Тайсойған-1 және Тайсойған-2 учаскелері бойынша барлау мен өндіруге келісімшарттар алынды. 2023 жылдың мамыр айында бұл келісімшарттар бойынша жер қойнауын пайдалану құқығы геологиялық барлау жұмыстарын жалғастыру үшін Ембімұнайгазға берілді. Геологиялық жұмыстардың нәтижесі табысты болған жағдайда, қордың сарқылуын ескерсек, бұл жоба ЕМГ-де өндірудің тұрақты деңгейін ұстап тұруға мүмкіндік беретін болады.

2023 жылы ҚМГ мен «ЛУКОЙЛ» ЖАҚ Каспий теңізінің қазақстандық секторындағы «Қаламқас-теңіз, Хазар, Әуезов» учаскесінің жер қойнауын игеру жобасы бойынша бірқатар келісімге қол қойды. Қаламқас-теңіз, Хазар, Әуезов кен орындары ЖАҚ Каспий теңізінің қазақстандық секторында орналасқан. Тереңдігі – 8 метрге жуық.

Өндірілетін мұнай қоры –

86 млн тонна

газ қоры –

22 млрд м³

2024 жылға арналған жоспар

2024 жылы Торғай Палеозой учаскесінде тереңдігі 5 500 метр болатын алғашқы барлау ұңғымасын бұрғылау жұмыстары жоспарланып отыр.

Қаражар барлау учаскесі бойынша келісімшарт алу. Учаскенің геологиялық қоры (P50) – 32 млн тонна.

2024 жылы Абай теңіз учаскесінде тереңдігі 2 500 метр болатын алғашқы барлау ұңғымасын бұрғылау және сынақтар жүргізу жоспарланып отыр.

«Қаратон Подсолевой» учаскесінде 2024 жылы стратегиялық серіктестің қаражаты есебінен тереңдігі 5 500 метр болатын алғашқы барлау ұңғымасын бұрғылау жоспарланып отыр. Сынақтар 2025 жылы аяқталады деп күтіледі. 2024 жылы «Қаламқас-теңіз, Хазар, Әуезов» учаскесі бойынша жобалау жұмыстарын жүргізу жоспарда бар.

Сонымен қатар тарихи геологиялық-геофизикалық деректерді талдау және бассейндік модельдеу нәтижелері бойынша жер қойнауын пайдалануға келісімшарт алу туралы мәселені одан әрі пысықтау үшін Мемлекеттік жер қойнауы қорын басқару бағдарламасына енгізуге бес жаңа перспективті учаске бөлінді. 2024 жылы барлығы 17 барлау және бағалау ұңғымасын бұрғылау жоспарлануда.

Есепті жылы мақсатқа жету жолында атқарылған іс-шаралар/оқиғалар:

- **2023 жылы 18 мамырда** ҚМГ мен Sinopec International Energy Investment Limited (Sinopec) Қазақстанның жер қойнауын геологиялық зерттеу саласындағы өзара іс-қимыл келісімін қабылдады. Құжат негізгі және аз зерттелген шөгінді алаптар шегінде орналасқан 17 барлау учаскесін бірлесіп зерттеуді көздейді. Учаскелердің мүмкіндіктері расталған жағдайда тараптар көмірсутектерді барлау мен өндіру үшін келісімшарт жасау ықтималдығын қарастыратын болады.
- **2023 жылы 9 ақпанда** Астанада ҚМГ және «ЛУКОЙЛ» ЖАҚ Каспий теңізінің Қазақстан бөлігіндегі «Қаламқас-теңіз, Хазар, Әуезов» жер қойнауы учаскесін игеру жобасы бойынша бірқатар келісім қабылдады. Тараптар Қатысушылар келісіміне, «Kalamkas — Khazar Operating» ЖШС жарғы капиталындағы 50% қатысу үлесін сатып алу-сату шартына және Қатысушылардың оператор қызметін қаржыландыру шарттары туралы келісімге қол қойды.
- **2023 жылы 16 қазанда** Бейжің қаласында ҚМГ мен China National Offshore Oil Corporation (CNOOC) Өзара түсіністік туралы меморандум қабылдады. Құжат перспективті барлау жобаларына қатысты бірлескен геологиялық зерттеу жүргізуді, кен орындар және мұнай сервис қызметтері бойынша өзара байланысты кеңейтуді көздейді.

№ 2
стратегиялық
мақсат

Компанияның құн тізбегі тиімділігін арттыру

ҚМГ мұнай өндіру, өңдеу, тасымалдау және маркетинг сияқты қызмет бағыттарынан түсетін пайданы барынша көбейту және барлық басты сегменттердегі операциялық жұмысты жақсарту мақсатында негізгі қызметіне ден қояды.

Операциялық активтердегі өндіру деңгейінің табиғи төмендеуінің орнын толтыру мақсатында Компания мұнайдың игерілу коэффициентін жоғарылату және жөндеу жұмыстарының аралық кезеңі көрсеткіштерін ұлғайту, сондай-ақ ұңғымалардың ең жоғары өнімділігіне қол жеткізу үшін өндірістік қызметтің тиімділігін арттыру жөніндегі басқа да шараларды іске асыру бойынша жұмысты жалғастырады.

Компания «Теңіз», «Қарашығанақ» және «Қашаған» ірі жобалары бойынша өндіру деңгейін көтеру, ұзарту және ұстап тұру жобаларын табысты іске асыруға назар аударады.

2023 жылы ҚМГ Шығыс Өріктау кен орнын өнеркәсіптік пайдалануға берді. «Өріктау Оперейтинг» ЖШС Қазақстанда алғашқылардың бірі болып жақсартылған модельдік келісімшарт аясында кен орнын

өнеркәсіптік игеруге көшті. Шығыс Өріктау кен орнын одан әрі дамыту мақсатында қосымша тағы тоғыз пайдалану ұңғымасын бұрғылау жоспарда бар, бұл мұнай өндіру көлемін жылына 200 мың тоннаға дейін, ал ілеспе газ өндірісін жылына 100 млн текше метрге дейін ұлғайтуға мүмкіндік береді. Шығыс Өріктау кен орнын іске қосу арқылы Орталық Өріктау кен орнын толық көлемде игеруге маңызды қадам жасалды. Орталық Өріктау газ конденсатты кен орны және табиғи газдың едәуір қорын қамтиды. Бұл учаскеде жылына 1 млрд текше метр көлемінде газ өндіру жоспарлануда.

Компания сонымен қатар экспорттық және транзиттік бағыттарды кеңейту үшін құрылған мұнай-көлік инфрақұрылымын тиімді пайдалануды мақсат етеді. ҚМГ сыртқы факторлар мен геосаяси сын-қатерлерді ескере отырып, Қазақстан мұнайын экспорттайтын қосымша маршруттарды дамыту бағытындағы жұмысты жалғастыруда. Компания оңтүстік дәлізді ашу және Қытайға жөнелтілетін өнім көлемін ұлғайту бойынша серіктестерімен келіссөз жүргізуде.

Есепті жылы мақсатқа жету жолында атқарылған іс-шаралар/оқиғалар:

- **2023 жылы 20 наурызда** Теңіз кен орнының мұнайын Баку бағытына қарай жөнелту басталды, ал сәуірден Джейхан бағытына қарай жөнелтіле бастады. 2023 жылдың қорытындысы бойынша Ақтау портынан 1 057 мың тонна мұнай жөнелтілді.
- **2023 жылы 10 мамырда** Қызылорда облысындағы Оңтүстік Ақсай газ конденсатты кен орнында газ өндіріле бастады.
- **2023 жылы 20 маусымда** ҚМГ және Rosneft Deutschland Шведт қаласындағы PCK Raffinerie мұнай өңдеу зауытына Қарашығанақ кен орнынан жыл соңына дейін айына 100 мың тонна шикі мұнай жеткізу туралы келісімшартқа қол қойды.
- **2023 жылы 22 маусымда** Баку қаласында ҚМГ SOCAR компаниясымен Қазақстан мұнайын Әзербайжан аумағы арқылы тасымалдауға қатысты стратегиялық ынтымақтастық орнату туралы меморандумға қол қойды. Меморандум Баку – Тбилиси – Джейхан құбыры арқылы Қазақстан мұнайын тасымалдау қуатын арттыруға бағытталған өзара тиімді ынтымақтастықтың ортақ талаптары мен қағидаттарын айқындайды.
- **2023 жылы 25 шілдеде** Атырау мұнай өңдеу зауыты K5 экологиялық класты (Еуро-5 аналогы) АИ-92 автобензинін шығара бастады.
- **2023 жылы 9 қазанда** ҚМГ және TotalEnergies EP Danmark компаниясы Total E&P Dunga GmbH жарғы капиталының 100% қатысу үлесін сатып алу туралы сатып алу-сату шартына қол қойды. 2023 жылы 20 қарашада Компанияның 100% акциясын сатып алу жөніндегі мәміле аяқталды.
- **2023 жылы 17 қазанда** Бейжің қаласында Ақтау битум зауытының («CASPI BITUM» БК) ЖШС) өңдеу қуатын жылына 1 млн тоннадан 1,5 млн тоннаға дейін арттыру жобасын іске асыруға келісім қабылданды. Бұған зауыттағы шикі мұнайды бастапқы өңдеу қондырғысын (ЭЛОУ-АВТ) жаңғырту арқылы қол жеткізу жоспарлануда. Жобаны іске асыру мерзімі – 2023-2024 жылдар.
- **2023 жылы 25 қарашада** Ақтау қаласында Қазақстанның теңіз флотын толықтырған Taraz және Liwa екі мұнай құю танкері салтанатты рәсіммен қабылданды. Танкерлерді сатып алу Мемлекет басшысы Қасым-Жомарт Тоқаевтың мұнай экспортының баламалы бағыттарын дамыту жөніндегі тапсырмасын орындау аясында жүзеге асырылды.
- **2023 жылы 29 қарашада** ПҚОП-тың өндірістік өңдеу қуатын жылына 12 млн тоннаға дейін кеңейтуге қолдау көрсету жөніндегі Жол картасы қабылданды.
- **2023 жылы 2 желтоқсанда** Дубайда ҚМГ мен AD Ports Group Қазақстанда кеме жөндеу және кеме жасау кәсіпорнын ашу туралы келісім қабылдады.
- **2023 жылы 4 желтоқсанда** ҚМГ Шығыс Өріктау кен орнын өнеркәсіптік пайдалануға берді.
- **2023 жылы 21 желтоқсанда** ҚМГ-ға 50% үлесі тиесілі «Урал Ойл энд Газ» ЖШС Батыс Қазақстан облысында орналасқан Рожков газ конденсатты кен орнын өнеркәсіптік пайдалануға берді.

ҚМГ мен SOCAR арасындағы бұдан бұрын қол жеткізілген келісімдерге сай 2023 жылы Ақтау-Баку-Джейхан бағыты бойынша жыл сайынғы көлемі 1,5 млн тонна қазақстандық мұнайды тасымалдау басталды. Қазіргі уақытта Әзербайжан тарапымен бірлесіп, Әзербайжан Республикасының аумағы арқылы Қазақстан мұнайы транзитінің көлемін ұлғайтудың жоспары әзірленді. Мұнай өндіру көлемінің өсуіне қарай ҚМГ Баку-Тбилиси-Джейхан мұнай құбыры арқылы мұнай тасымалының көлемін ұлғайту мүмкіндігін қарастыруда. Тасымалдау көлемінің ұлғаюын сақтау осы бағыт бойынша мұнай жөнелтудің экономикалық тиімділігіне байланысты болады. 2023 жылы Атырау-Самара мұнай құбыры, әрі қарай Дружба құбыры арқылы Германияға бағытындағы маршрут бойынша мұнай тасымалдай бастады. 2023 жылдың қорытындысы бойынша Германияға 993 мың тонна мұнай жеткізілді.

Теңіз тасымалының технологиялығын дамыту аясында 2023 жылдың қаңтарында Біріккен Араб Әмірліктеріндегі серіктесіміз Abu Dhabi Ports (ADP) компаниясымен бірлескен кәсіпорын ашылды. Кәсіпорын Taraz және Liwa екі танкерін сатып алды. Танкерлер Каспий теңізінде Қазақстан мұнайын тасымалдауға жұмылдырылды. Бұдан бөлек, 2023 жылдың ортасынан

ҚМГ/ADP компанияларының бірлескен танкерлер пулы Теңіз кен орны мұнайын ашық теңіздерде тасымалдай бастады. Атап айтқанда, «Теңізшевройл» компаниясымен келісімшарт қабылданды. Танкерлер мұнайды Новороссийск теңіз портынан бастап бүкіл әлемге тасымалдайды. Бұдан бұрын бұл тасымалды тек Chevron Tankers Limited іске асырған болатын.

ҚМГ-ның маңызды міндеті — мұнай өңдеу зауыттарының үздіксіз жұмысын қамтамасыз ету және ішкі нарықтың мұнай өнімдеріне қажеттілігін өтеу. Бүгінгі таңда ел аумағындағы мұнай өңдеу зауыттарын жаңғырту есебінен Компания еліміздің бұл стратегиялық міндетін атқарып қана қоймай, мұнай өнімдерінің бір бөлігін экспортқа жөнелтеді.

Компания операциялық шығындарды оңтайландыру және жеткізу тізбегінің тиімділігін арттыру бағытындағы жұмыстарды тұрақты негізде жүргізеді.

№ 3
стратегиялық
мақсат

Бизнесті әртараптандыру және өнімдер портфелін кеңейту

ҚМГ Қазақстан Республикасы Үкіметінің қолдауымен еліміздің мұнай-газ химиясы саласын дамыту процесіне барынша тартылған. Мұнай-газ химиясы ұлттық экономика өсуінің тағы бір қозғаушы күшіне айналмақ, себебі мұнай-газ химиясының бүкіл еліміз үшін мультипликативті әсері бар.

Мұнай-газ химиясы мұнайға әлемдік сұраныстың ірі драйверіне айналуда. Компания мұнай-газ химиясы жобаларын және ұзақ мерзімді перспективада мұнайға әлемдік сұранысты қайта бөлу жағдайында құны жоғары мұнай-химия өнімдерін шығаруды қамтамасыз ету үшін қосымша

көмірсутек ресурстарын пайдаланатын және тартатын болады.

2023 жылы Мұнай-газ химиясы кешенін дамыту тұжырымдамасы әзірленіп, 2024 жылы бекітуі жоспарланып отыр.

Мұнай-газ химиясының жобалары туралы «Инвестициялық жобаларды жүзеге асыру» бөлімінен оқи аласыз.

Есепті жылы мақсатқа жету жолында атқарылған іс-шаралар/оқиғалар:

- **2023 жылы 1 маусымда** KMG PetroChem мен ТШО «Газ бөлу кешені» (ГБК) жобасын іске асыру үшін қажетті келісімдердің негізгі шарттарына қол қойды.
- **2023 жылы 8 маусымда** Павлодар мұнай-химия зауыты мен «Эр Ликид Мұнай Тех Газы» ЖШС жылына 160 мың тонна дейінгі көлемде қысқы дизель отынын өндіруге мүмкіндік беретін сутегі өндірісінің қондырғысын салу бойынша келісім қабылдады.
- **2023 жылы 17 қазанда** Бейжіңде ҚМГ, СИБУР және China Petroleum & Chemical Corporation (Sinopec) полиэтилен өндіру жөніндегі жобаға қатысу үлесін сатып алу-сату шарттарына қол қойды.
- **2023 жылы** KPI Inc ЖШС PP H031 BF/7, PP H270 FF/7 және PP H036 BF/7 – полипропиленнің жаңа түрлерін өндірді.

№ 4
стратегиялық
мақсат

Тұрақты даму және өндірісте көміртегі сыйымдылығын жүйелі төмендету

ҚМГ өзінің экономикаға, қоршаған ортаға және қоғамға әсерінің маңыздылығын жете түсінеді және экономикалық, экологиялық, әлеуметтік басымдықтардың, сондай-ақ корпоративтік басқару саласындағы міндеттердің үйлесімдігін қамтамасыз ету мақсатында Компанияның негізгі бизнес-процестерін тұрақты даму қағидаттарымен біріктіруді жалғастырады. ҚМГ ESG мақсаттарын Компания менеджментінің тиімділігін бағалау жүйесімен біріктіру жұмысын тұрақты жүргізіп келеді.

2023 жылдың қараша айында ҚМГ-ге 2022 жылға жаңартылған ESG тәуекел рейтинг берілді, ол 32,3 балға тең. Sustainalytics агенттігі компаниядағы ESG тәуекелін басқару жұмысын «мықты» деп бағалады. ҚМГ мақсаты – 2031 жылға қарай ESG тәуекел-рейтингінің орташа деңгейінде өз позицияларын нығайту.

Компания ESG көрсеткіштерін жақсартуға және ESG мақсаттарын корпоративтік және функционалдық басты қызмет көрсеткіштеріне интеграциялауға ұмтылады. ҚМГ қызметкерлерімен және кәсіподақтармен серіктестік орнату қағидаттарына негізделген жоғары әлеуметтік жауапкершілік нормаларына ұмтылады.

Компания сондай-ақ қызметкердің денсаулығын және өмір сүру сапасын тиімді басқарудың деңгейін көтеруге ұмтылады. Қызметкерлердің денсаулығын қорғау бойынша ортақ тәсілдерді енгізу және көрсеткіштерді жақсарту мақсатында ҚМГ компаниялары тобында Персоналдың денсаулығын басқару жөніндегі бағдарлама әзірленді.

Компания климаттық жай-күйінің стратегиялық маңыздылығын ескере отырып, 2022-2031 жылдарға

арналған Төмен көміртекті даму бағдарламасын іске асырып келеді. Бұл құжат Компанияның климаттық амбицияларын, көміртегі ізін төмендету бойынша негізгі тәсілдер мен шараларын айқындайды.

ҚМГ көміртегі ізін төмендетуге сараланған тәсілді таңдайды және 2031 жылы парник газ шығарындиларын 2019 жылғы деңгеймен салыстырғанда 15%-ға төмендетуді мақсат етіп қойды.

Сондай-ақ Компанияда жалпы қуаты кемінде 300 МВт жаңартылатын энергия көздері (ЖЭК) жобаларын іске асыруды жоспарлап отыр.

2024 жылы 18 қаңтарда Римде (Италия) ҚМГ және Eni S.p.A. Жаңаөзен қаласында гибриді электр станциясын салу жобасын іске асыру туралы шешімге қол қойды. Жоба Eni Plenitude еншілес компаниясымен бірлесіп Жаңаөзенде жел (77 МВт) және күн электр станциясын (50 МВт), сондай-ақ қуаты 120 МВт газ электр станциясын салуды көздейді. Бұл бастама ҚМГ-ның өңірдегі өндірістік нысандарын электр қуатымен тұрақты түрде қамтамасыз етуге мүмкіндік береді.

Сонымен қатар 2023 жылдың жазында «Қазақстан Республикасында 300 МВт/600 МВтс электр энергиясын жинақтау жүйесі бар жиынтық қуаты 1 ГВт ЖЭС салу» жобасына бастама жасалды. «Мирный» деп аталатын бұл жобаны ҚМГ, Самұрық-Қазына және Total Eren бірлесіп іске асырып жатыр. «Мирный» жобасы Қазақстан Республикасының оңтүстік өңірлерінде электр энергиясын ірі көлемде өндіруге, ҚМГ төмен көміртекті даму бағдарламасы аясында CO₂ шығарындиларын азайтуға және офсет бірліктерін өндіруге бағытталған.

Есепті жылы мақсатқа жету жолында атқарылған іс-шаралар/оқиғалар:

- **2023 жылы 1 қарашада** Франция Президенті Эммануэль Макронның Қазақстанға ресми сапары барысында Total Eren компаниясымен қуаты 1 ГВт болатын ЖЭС салу жобасы бойынша Бірлескен кәсіпорын туралы келісім жасалды. Жоба қатысушылары – Total Eren (60%), «Самұрық-Қазына» АҚ (20%) және ҚМГ (20%). 2022 жылы қарашада бұл жобаны іске асыру үшін жобаны іске асырудың негізгі шарттар туралы келісім қабылданды.
- **2023 жылы 3 желтоқсанда** ҚМГ UNEP-пен Өзара түсіністік туралы меморандумға қол қойып, UNEP және IMEO ұйымдастырған OGMP 2.0 Серіктестігіне (The Oil & Gas Methane Partnership) қосылды.
- **2023 жылы 13 желтоқсанда** Атырау облысында реконструкциядан және кеңейтуден кейін «Астрахань-Маңғышлақ» магистральды су құбыры салтанатты түрде іске қосылды.
- **2024 жылы 18 қаңтарда** Римде (Италия) ҚМГ және Eni S.p.A. Жаңаөзенде гибриді электр станциясын салу жобасын іске асыру туралы бірлескен шешімге қол қойды.

Белгіленген төрт стратегиялық мақсатты жүзеге асыру нәтижесінде ҚМГ ұлттық экономиканы әртараптандыруға және Қазақстан Республикасының көміртегі ізін азайтуға үлес қосады, осылайша Компанияның өсіміне және қазақстандықтардың әл-ауқатын арттыруға, сондай-ақ болашақ ұрпақ үшін экологияның сақталуына ықпал етеді. ҚМГ қосымша жаңа активтерді іздеу мен сатып алуды M&A мәмілелері, олардың құны мен нарықтың жалпы конъюнктурасы бойынша ұсыныстар түскен кезде жүзеге асырады.

ҚМГ Даму стратегиясы, стратегиялық мақсаттары мен міндеттері мүдделі тараптар үшін корпоративтік сайтта (<https://www.kmg.kz>) жарияланады. ҚМГ тобы бойынша компанияның қызметіне әсер ететін жүйелі және ұзақ мерзімді міндеттерді шешу үшін жыл сайын стратегиялық сессиялар ұйымдастырылады.